

## ԸՆՏԱՆԵԿԱՆ, ԴԱՍԱՐԱՆԱԿԱՆ ԹԱՏՐՈՆԻ ՀԱՄԱՐ ՏԻԿՆԻԿՆԵՐ

### Երեխայի հետ զբաղվողին

5-6 տարեկան երեխայի կյանքում թատրոնի, մասնավորապես՝ տիկնիկային թատրոնի դերը դժվար է գերազանահատել: Տիկնիկներով խաղալը, դրանց կերպարի մեջ մտնելը երեխային խոսեցնելու, մտածել տալու, ստեղծագործելու հաճույքն ապրեցնելու հեշտ և արդյունավետ ճանապարհ է:

Տիկնիկային թատրոնի համար պատրաստի մշակված խաղալիքներ, ձևավորումներ, շիրմաներ և այլ նյութեր, իհարկե, կարելի է խանութներից, տարբեր կազմակերպություններից ձեռք բերել: Դրանց մասին տեղեկություններ կարելի է ստանալ տեղեկատվական ամենատարբեր աղբյուրներից, ինտերնետ կայքերից (օր՝ [www.rustoys.ru](http://www.rustoys.ru)):

Սակայն մենք ձեր ու երեխայի համատեղ գործունեության ընթացքում ինքնաշեն տիկնիկների, ամենատարբեր տիկնիկային թատրոնների և ընդհանրապես բազմազան իրերի ու խաղալիքների ստեղծման կողմնակիցն ենք, որովհետև ոչինչ չի կարող այդ գործունեության ընթացքում ապրած հաճույքին փոխարինել: Ի վերջո, միշտ էլ (մանավանդ այս դեպքում) գործի ընթացքը շատ ավելի հետաքրքիր և ուսանելի է, քան արդյունքը: Իսկ մեզնից յուրաքանչյուրի համար մեր ձեռքով պատրաստած ամենատնտես խաղալիքը, իրն առավել հարազատ է, քան զմված ամենագեղեցիկ, շքեղ խաղալիքը. դա լրիվ մերն է, իր հետ անչափ շատ հաճելի հիշողություններ է բերում: Միաժամանակ դա երեխային մեծ ինքնավստահություն է տալիս. ինչքան բան կարող է անել ու դրա-նով շատերին հիացնել: Այս դեպքում երբեմն մանկավարժական, հոգեբանական ու սոցիալական այնպիսի խնդիրներ են լուծվում, որոնց մասին անգամ չէք մտածել:

Մի բան էլ, որ պակաս կարևոր չէ. այս գործում պիտանի է գրեթե այն ամենը, ինչ կա ձեռքի տակ կամ կարող էր վաղուց աղբի մեջ լինել: Մի փոքր միտք ու երևակայություն, և մենք դրանցից կպատրաստենք, օրինակ՝



## ԱՌԱՋԱԳԻՐԱՆԷ 7. Ստվարաթղթից տիկնիկներ

### Նախապատրաստումը

#### Ձեզ անհրաժեշտ են՝

ստվարաթուղթ,  
ջրաներկ (կամ գուլաշ, նշագրիչներ, գունավոր մատիտներ),  
մկրատ,  
ռետին կամ ռետինանման նյութի կտորներ:

### Ընթացքը

1. Թող երեխան ձեր ընտրած կամ հորինած ստեղծագործության հերոսներին միջավայրի համար անհրաժեշտ իրերն ու պարագաները նկարի կամ ուրվագծի:

2. Եթե դրանք A4 չափի թղթի վրա են, ապա ստվարաթղթի վրա առանձին-առանձին փակցրեք և շրջագծով կտրատեք (հիարկե կարելի է ուղղակի ստվարաթղթի վրա նկարել):

3. Ռետինի կտորների վրա ճեղք բացեք (դա մենակ անելը երեխայի համար վտանգավոր է) և յուրաքանչյուր նկարն առանձին ամրացրեք ճեղքի մեջ սեղանին կանգնելու և տեղաշարժվելու համար:

### Հուշում

Եթե դժվարանում եք նկարել, կարող եք հնացած մանկական ամսագրերի և այլ տպագիր նյութերի նկարները, նկարների տարբեր հավաքածուներ օգտագործել:



## ԱՌԱՋԱԴՐԱՆՔ 8. Խմորից տիկնիկներ

### Նախապատրաստումը

#### Ձեզ անհրաժեշտ են՝

ալյուր, աղ  
սոսիճ (էմուլսիա),  
ջրաներկ (կամ գուաշ, նշագրիչներ, գունավոր մատիտներ):

#### Ընթացքը

1. 200 գ ալյուրը 40 գ էմուլսիայի և 30 գ աղի հետ շաղախեք (պինդ խմոր է ստացվում):
2. Խմորն այնպիսի գնդերի բաժանեք, որ երեխան կարողանա դրանք որոշ ժամանակ մատների վրա պահել:
3. Ձեզ անհրաժեշտ կերպարները խմորի գնդերից այնպես պատրաստեք, որ դրանք հնարավոր լինի մատնոցի նման մատներին հագցնել:
4. Թողեք, որ դրանք մի լավ չորանան:
5. Այնուհետև գունավորեք, և տիկնիկները «բնավորություն» ձեռք կրերեն:



#### Հուշում

Վերը նշված խմորը կարելի է սառնարանում մոմլաթի մեջ պահել և երկար ժամանակ օգտագործել: Այն կարող է բոլոր ասպարեզներում պլաստիլինին փոխարինել, սակայն մի առավելություն ունի. խմորը կարելի է կամ նախապես գունավորել (էմուլսիայից գույն տալով), կամ էլ պատրաստված իրերը չորանալուց հետո ներկել:

## ԱՌԱՋԱԴՐԱՆՔ 9. Ձեռնոցով տիկնիկներ

### Նախապատրաստումը

#### Ձեզ անհրաժեշտ են՝

մեկնատնանի կամ հնգամատ ձեռնոցներ (թելուգ հնամաշ, չօգտագործվող),  
գործվածքների, կաշվի կտորտանք,  
կոճակներ, ուլունքներ, տարբեր նյութերից գնդիկներ, խորանարդիկներ և այլն,  
վերը նկարագրված սոսնձով խմոր:

#### Ընթացքը

1. Նախորդ առաջադրանքում նկարագրված ձևով կերպարների գլխիկները պատրաստեք:
2. Ձեռնոցի վրա կարեք, սոսնձեք կամ տեղադրեք



տիկնիկի մարմնի, հագուստի մասերը:

### Հուշում

Ձեռնոցներին կարող են փոխարինել երեխայի ձեռքը մինչև արմունկը ծածկող տոպրակները, որոնք երեխան ինքը կարող է կարել:

## ԱՌՄՋԱԴՐԱՆՔ 10. Հագուստի կախիչներով «խամաճիկներ»

### Նախապատրաստումը

#### Ձեզ անհրաժեշտ են՝

հագուստի ամենատվորական ուսավոր կախիչներ, ստվարաթուղթ, գործվածքների, կաշվի կտորտանք, կոճակներ, ուլունքներ և տարբեր նյութերից գնդիկներ, խորանարդիկներ և այլն, հաստ թել կամ պարան:

### Ընթացքը

1. Նախորդ առաջադրանքներում նկարագրված ձևով կերպարների գլխիկները պատրաստեք կամ էլ ստվարաթղթի վրա, տիկնիկի դեմքը նկարեք, կախիչի կեռ բռնակին ամրացրեք:

3. Կախիչի վրա տիկնիկի մարմնին հագուստի մասեր կարեք, սոսնձեք կամ տեղադրեք:

### Հուշում

Տիկնիկն առավել շարժուն և ճկուն կլինի, եթե ձեռքի ստվարաթղթից պատրաստված դաստակային մասն ու ոտնաթաթերը կախիչին երկար պարանով կամ հաստ թելի միջոցով ամրացնեք (կախվում են):

